

POZIV SVIM INSTITUCIJAMA ZA PROVEDBU ZAKONA DA DJELUJU

BH-Gas želi javno i transparentno da upozna javnost da saopćenje Energoinvesta ne odgovara istini i potpuno dezavuiše javnost.

BH-Gas ĆE U ROKU 30 SEKUNDI NAKON PRIJEMA RUSKE FAKTURE OD ENERGOINVESTA IZMIRITI OBAVEZE PREMA GAZPROM EXPORTU i time će biti otklonjene bilo kakve prijetnje za redovno snabdijevanje potrošača prirodnim gasom.

Jedina neplaćena faktura je za mart mjesec i ista je dospjela za plaćanje prije 5 dana.

Energoinvest svjesno zanemaruje činjenicu da je BH-Gas predložio i prelazno rješenje koje je ENERGOINVEST ODBIO.

BH-Gas dosljedno provodi politiku Vlade FBiH i da Energoinvest dezavuiše Vladu FBiH što može imati negativnih finansijskih posljedica u čemu BH-Gas ne želi niti da slučajno učestvuje.

Energoinvest ne želi da dostavi fakturu Gazprom Exporta i time onemogućava BH-Gas da izvršava obaveze kako je izvršavao posljednje 23 godine. Ovo je pravno nasilje koje provodi Energoinvest i ovim želi dovesti u talačku krizu građane i privredu FBiH kako bi izdejstovao preuzimanje potrošača BH-Gasa i time doveo BH-Gas u situaciju da ne može realizovati strateške projekte FBiH, a posebno Južnu interkonekciju. Energoinvest želi da Turski tok bude jedini pravac snabdijevanja, a ruski gas jedini gas koji će FBiH kupovati, a za tu realizaciju Južna interkonekcija postaje smetnja.

Mjesecima smo upozoravali da će scenario prelaska na Turski tok biti upravo ovakav i da će Energoinvest samoinicijativnim prelaskom na taj pravac ostaviti sve ugovore sa pravca Beregovo. Sada imamo situaciju da su mađarski transporter FGSZ

i srbijanski transporter Transportgas Srbija dostavili opomene za plaćanje transportnih troškova i to za ugovore koje je ENERGOINVEST TREBAO RASKINUTI.

Energoinvest i pojedinci, iz nama poznatih centara moći, prisiljavaju BH-Gas da čini nešto što niti jednim dokumentom nije propisano i jasno im je saopćeno da takav vid pritiska neće proći, a BH-Gas će fakturu Gazpromu izmiriti za 30 sekundi samo da ENERGOINVEST DOSTAVI TU FAKTURU, ALI NE ŽELE.

BH-Gas nikad nije zaustavljao plaćanja prema Gazpromu niti su se ta plaćanja dovodila u pitanje, ali mi ne možemo platiti ako Energoinvest NE ŽELI DA NAM DOSTAVI GAZPROMOVU FAKTURU KAKO JE TO RAĐENO PROTEKLE 23 godine.

Žele da BH-Gas postupa protivno zakonskim propisima i da se odrekne svih razvojnih projekata koje znače diversifikaciju izvora snabdijevanja.

BH-Gas MOLI SVE INSTITUCIJE ZA SPROVEDBU ZAKONA DA SE UKLJUČE U OVAJ PROBLEM JER JE NA DJELU PRAVNO NASILJE KOJE JE PROUZROKOVANO SAMOINICIJATIVNIM PRELASKOM ENERGOINVESTA NA TURSKI TOK I TO PROTIVNO ODLUKAMA VLADE DA OBJE KOMPANIJE OSTANU NA PRAVCU SNABDIJEVANJA BEREGOVO-BiH I TO DO 2023. godine.

BH-Gas posjeduje svu dokumentaciju po osnovu pritisaka na ovu kompaniju kao i ostale dokaze na kojim se vide osobe koje su u pozadini ovog pritiska.